

Transkription von Urkunde SDL 1385a

Ort, Datierung: Stendal, 1385-03-05

Signatur: Landeshauptarchiv Sachsen-Anhalt in Magdeburg, k.A.

Inhalt: Gheuerd van Aluenseleue und Mas van Ghorne: Schuldbrief

Ik her gheuerd van alue(n)seleue ridder wonachtich thũ calue mas van ghorne wonachtich thũ ghorne
Wȳ be kenne(n) openbare i(n) dessen / breue thũ alle den de dessen bref seen vn(de) horen lesen dat
wȳ vn(de) vnse rechten erue(n) schuldich sint van rechter schult , / salomon vn(de) ȳsaak Joden thũ
stendal vn(de) eren rechten eruen sestich brandenb(ur)g(ische) mark suluers de wȳ scholen vn(de)
willen / en be reȳden thũ wȳnachten de neghest thũ komende is wer dat wȳ dat ghelt nicht gheue(n)
den Joden vppe de / vorbenomeden tȳd so loue wȳ vn(de) willen en gheue(n) vppe Jewelke mark thũ
Jewelker weken ses stendalsche pen=/nȳnghe thũ woker vn(de) wan de vobenomeden Joden des nicht
lenk willen vntberen van vns vn(de) manen vns / dar v(m)me edder laten vns dar v(m)me manen
v(m)me eren houetstũl vn(de) woker so wille wȳ komen in de stad thũ / stendal ofte in ey(n) ander
stad wor dat den Joden be quemest is vn(de) dar nicht vd thũ komende wȳ en hebben / sȳ be reȳt
houetstul vn(de) woker met reden ghelde edder met nũghafteghen panden dȳt loue wȳ her gheuerd /
vn(de) mas van ghorne vn(de) vnse rechte eruen met gantzen trũwen vn(de) met eȳner zamendenhant
stede / vn(de) vaste thũ holdene sunder aller leyge arghelist vnde sũnder bosemeȳninghe thũ eȳner
groteren be kant=/nȳsse hebbe wȳ vnse Jngheseghele met witschap vn(de) met gũden willen ghe
henghen an dessen bref ghe scre=/uen na godes bort drũtteȳnhũndert jJare dar na in deme vive vn(de)
achteghesten Jare des neghesten son=/daghes vor mȳtuasten